

Broj: 05-02-4-552/25
Mostar, 18.04.2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
PREDSTAVNIČKI DOM
n/r g-din, Ivan Miličević, sekretar
n/r g-đa, Suada Halilović, zastupnica

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 22-04-2025			
Org. jed.	Broj	Priloga	Vrijednost
05/1	- 02-	132	125

VLADA FEDERACIJE BiH
n/r g-đa, Edita Kalajdžić, sekretar Vlade

Predmet: **Zastupničko pitanje**, odgovor dostavlja se

Poštovani,

U prilogu akta Vlade Federacije Bosne i Hercegovine, broj: 03-02-92-1/2025 od 17.03.2025. godine, ovom Ministarstvu je, na nadležno postupanje, dostavljeno zastupničko pitanje, koje je postavila Suada Halilović, zastupnica u Predstavničkom domu Parlamenta Federacije Bosne i Hercegovine.

Pitanje glasi:

"Kada možemo očekivati u parlamentarnoj proceduri novi Zakon o naftnim derivatima? "

Odgovor:

U skladu sa Vašim traženjem, obavještavamo Vas da je, Federalno ministarstvo energije, rudarstva i industrije aktom, broj: 05-02-1-1741/24 od 14.04.2025. godine, uputilo Vladi Federacije Bosne i Hercegovine na razmatranje i usvajanje Nacrt zakona o izmjenama i dopunama Zakona o naftnim derivatima (u daljem tekstu: Nacrt Zakona).

Nacrt Zakona je pripremljen od strane Radne grupe za izradu teksta Zakona, sačinjene od predstavnika Federalnog ministarstva energije, rudarstva i industrije, Federalnog ministarstva trgovine i Federalne uprave za inspekcijske poslove, a predloženo je donošenje Zakona po skraćenom postupku.

Zadatak Radne grupe kao i razlozi za donošenje Zakona o izmjenama i dopunama Zakona o naftnim derivatima u Federaciji Bosne i Hercegovine ("Službene novine Federacije BiH", broj: 52/14 - u daljnjem tekstu Zakon), rezultat su usklađivanja pojedinih odredbi važećeg Zakona sa odredbama Odluke o kvaliteti tečnih naftnih goriva ("Službeni glasnik BiH", broj: 10/24 - nova Odluka) koju je donijelo Vijeće ministara Bosne i Hercegovine.

Stupanjem na snagu nove Odluke prestala je da važi Odluka o kvalitetu tečnih naftnih goriva ("Službeni glasnik BiH", br. 27/02, 28/04, 16/05, 14/06, 22/07, 101/08, 71/09, 58/10 i 73/10 - stara Odluka).

U skladu sa novom Odlukom, Ministarstvo vanjske trgovine i ekonomskih odnosa Bosne i Hercegovine donijelo je Uputstvo o načinu provođenja Odluke o kvalitetu tečnih naftnih goriva ("Službeni glasnik BiH", broj: 51/24).

Obzirom da su novom Odlukom, između ostalog, uvedeni novi standardi kvaliteta goriva, koji su značajno iznad standarda propisanih Zakonom, uveden je novi način aditiviranja goriva koji je odredbama važećeg Zakona zabranjen, uvedena je kontrola LPG-a, izmijenjen je obim monitoriga kvaliteta naftnih derivata i niz drugih elemenata tako da je trenutno Zakon u dijelu kvalitete i kontrole kvaliteta kao i prekršajnih odredbi u suprotnosti sa novom Odlukom.

Kako se Zakon, kao i Pravilnik o utvrđivanju kvaliteta tečnih naftnih goriva ("Službene novine Federacije BiH", br. 107/14; 69/15; 3/16; 66/16; 7/17; 58/17; 7/18; 58/18; 7/19; 15/20; 59/20; 2/21; 64/21; 4/22; 59/22; 6/23; 51/23 i 96/23 - u daljnjem tekstu Pravilnik) pozivaju na staru Odluku bilo je potrebno postojeći Zakon, u dijelu kvalitete i kontrole kvaliteta naftnih goriva, izmijeniti i dopuniti što bi omogućilo i donošenje novog Pravilnika o utvrđivanju kvaliteta tečnih naftnih goriva (podzakonski propis Zakona) usklađenog sa odredbama nove Odluke, te na taj način omogućiti implementaciju nove Odluke u punom smislu.

Naime, trenutno se ne vrši kontrola kvaliteta tečnih naftnih goriva u skladu sa Dinamikom provođenja monitoringa definisanom po dobavljaču/energetskom subjektu/kupcu, energentu, broju uzoraka i inspeksijskom tijelu, dok se Zakon ne uskladi sa Odlukom i donese Pravilnik o kvaliteti tečnih naftnih goriva u skladu sa usklađenim Zakonom i novom Odlukom, međutim, Federalna uprava za inspeksijske poslove, u okviru svojih nadležnosti propisanih Zakonom i drugim aktima u skladu sa mogućnostima, provodi aktivnosti na kontroli naftnih derivata.

Napominjemo da je obzirom na nastalu situaciju od strane ovog Ministarstva prema Federalnoj upravi za inspeksijske poslove zatraženo da pojača aktivnosti koje se odnose na kontrolu kvaliteta naftnih derivata i odgovarajuće dokumentacije, uključujući i vanredne kontrole kvaliteta naftnih derivata, kada procjeni da je isto potrebno.

S tim u vezi, očekujemo da će Vlada Federacije Bosne i Hercegovine, u što skorijem periodu uputiti u parlamentarnu proceduru Zakonsko rješenje kojim će se kvalitetno urediti pitanja od značaja u dijelu kvaliteta goriva, novi način dodavanja aditiva u tečno naftno gorivo, izmijeniti obim monitoringa kvaliteta naftnih derivata, te donijeti novi Pravilnik o utvrđivanju kvaliteta tečnih naftnih goriva kojim bi se između ostalog omogućila provedba kontrole kvaliteta goriva (monitoring).

S poštovanjem,

Dostaviti:

- Naslovu,
- evidenciji i
- a/a

